

X 2022
ALCUENTROS
DE MUSIQUES
ASTURIANES

ELECTRONIC
Ast!

SESIONES MUSICALES
MUSÉU DEL FERROCARRIL
ANDÉN PRINCIPAL
DEL 22 AL 25 DE PAYARES
20.00 H



X ALCUENTROS DE MUSIQUES ASTURIANES 2022

**Tradición y modernidá.
Raigañu y nuevas teunoloxíes.
Folclore y vanguardia.**

Con esti ciclu pequeñín queremos poner l'accentu nes tendencies sonores más de recién, eses nes que les músiques d'ayeri y d'anguaño van de la mano. Cola denominación **ElectronicAst** xúntense, na busca d'un llinguaix unificáu, la esperimentación electrónica y la identidá musical asturiana entendida d'una forma mui amplia, buscando vasos comunicantes ente públicos de distintes xeneraciones y apellando a la mente abierta. La que nun-y tien mieu a escuchar tonada combinada con cumbia o reguetón; o hiphop mecíu con electrónica y lletres reivindicatives n'asturianu; o folktrónica...

ELECTRONIC!
Ast'



SESIONES MUSICALES. PROGRAMA

**Muséu del Ferrocarril d'Asturies
22-25 Payares 2022**

22 payares | 20.00 h. **Fruela 757**

23 payares | 20.00 h. **Tasio**

24 payares | 20.00 h. **Bimenes Underprau**

25 payares | 20.00 h. **Llevólu'l Sumiciu**

TEVER

La fusión ente música tradicional y nuevas teunoloxíes nel sieglu XXI ye la premisa fundamental persiguida pol gaiteru, investigador y divulgador musical Tever.

Especializada na creación de conteníos dixitales, la canal de YouTube del **Taller de Músicos Xixón** va estrenar tres **vídeos** creaos por Tever a costa fecha pa estos Alcuentros, nos que va tratar d'aspeutos venceyaos coles músiques de raigañu y la esperimentación electrónica, con acentu especial nos instrumentos, los estilos y la multiplicidá d'escenes musicales, tanto a nivel d'Asturies como nacional y internacional.



22 payares | 20.00 h

FRUELA 757

Fruela 757 ye una de les propuestes más orixinales de la música del país. Nel so repertoriu suena ReggaeToná, HipFolk, Electrad... o lo que ye lo mesmo, música popular asturiana amestada a soníos internacionales de la música urbana del sieglu XXI como'l hiphop, el reguetón o la música electrónica.



El músicu y productor xixonés Javi Suárez formó esti proyectu a mediaos de la primer década de los '00 y nel 2008 llanzó *Bugre*, la so primer maqueta. Hasta la fecha tien dellos discos publicaos per Internet, amás de delles sesiones en direuto, cantares sueltos y EP's.

Participó na grabación del discu *Y Andá d'Anabel Santiago* y na so xira de presentación (foi'l responsable de les programaciones electróniques) y esti mesmu añu collaboró col grupu Algaire nel so cantar "Palmeira".

En 2020 publicó *Llariegu*, el so discu más completu y nel que fai un homenax al pop llariegu al traviés de músiques contemporánees feches pa baillar. Un álbum que tuvo 2 nominaciones y un premiu AMAS en 2021.

Esti mesmu añu publica *Fabil*, el so trabayu últimu.



24 payares | 20.00 h

BIMENES UNDERPRAU

Bimenes UnderPrau ye un proyectu musical qu'entama'l so andar nel añu 2018 fundamentalmente como proyectu de narratives sonores. Usau tanto pa curtumetraxes como pintura en vivo, proyeiciones, performances o sesiones. Llueu del confinamientu y dempués de facer xunto a MoonKids el proyectu *Confinar Feliz* (MoonKids UnderPrau), plantégase incluyir voz, mientres que nos direutos amiestase tamién la trompeta con efeutos impredecibles.

Esta actuación va ser un bon momentu pa presentar el discu de mayu d'esti añu: *Fesoria y Garabatu* que pretende ser l'entamu d'un formatu nuevu.



23 payares | 20.00 h

TASIO

Tasio, alter ego de Dudu García ye'l proyeutu musical d'Eduardo García Infiesta, nel que col simple enfotu de pasalo bien, garra dalgunos cantares y otres pieces de la tradición asturiana pa igualos como a él-y presta y acordies col so bagaxe.

Low whistle, clarinet y voz, xúntense con caxa de ritmos y producciones con instrumentos virtuales pa xenerar un soníu qu'axunta tradición con estilos de música contemporánea como'l D&B o el hardtek.

García ye productor de música electrónica col nomatu d'AbySal. Multiinstrumentista, formó parte tamién de la formación folk Cuchu.




25 payares | 20.00 h

LLEVÓLU'L SUMICIU

El Sumiciu ye un duendu de la mitoloxía astur, venceyáu a travesures como la desapaición d'oxetos pa incordiar a los sos dueños, siendo habitual sentir la espresión «*llevalu'l Sumiciu*».

El dúu compuestu por Pablo Alonso (soníu) y David Alonso (imaxe) garra esa espresión como nome y esa actitú como métodu pa crear el so primer EP *Entaína*, un conxuntu de seis cantares qu'atropen melodíes y ritmos de la tradición asturiana pa mecelos cola música más contemporánea.



X2022 ALCUENTROS DE MUSIQUES ASTURIANES


ELECTRONIC!
Ast'

Xixón


Cultura
y Educación

C/ Xovellanos, 21
33201 Xixón
985 18 13 89
llinguaasturiana@xixon.es

 llinguaxixon
 www.facebook.com/ofillin
 @LlinguaXixon



Taller de Músicos Gijón-Xixón



Juan Gallego Diseño

www.juangallego.com

D.L. AS 02977-2022